

09 JAN 2003

FDI-EKONOMI/I

FDI JAUH LEBIH BESAR DARIPADA MODAL PORTFOLIO JANGKA PENDEK

PUTRAJAYA, 9 Jan (Bernama) -- Pelaburan langsung asing (FDI) adalah lebih besar daripada aliran modal portfolio jangka pendek dalam membiayai pembangunan ekonomi, Laura D' Andrea Tyson, Dekan London Business School, berkata di sini hari ini.

FDI memperuntukkan pelabur-pelabur jangka panjang yang sabar, kepakaran pemindahan teknikal, penggalakan eksport dan perlengkapan keterbukaan perdagangan, katanya pada forum global sehari mengenai globalisasi dan tinjauan masa depan ekonomi dunia bertajuk "Bersaing dalam Dunia Pensejagatan: Menjadi Peserta Berkelas Dunia."

Beliau menyebut keadaan di Argentina yang pernah menjadi penarik pelabur-pelabur asing, tetapi mereka menarik balik dana-dana mereka dengan mendadak dan meninggalkan negara itu untuk menghadapi kemelesetan ketika ini.

Tyson, yang pernah menjadi penasihat ekonomi negara di dalam pentadbiran Clinton, berkata aliran modal jangka pendek adalah juga tidak menentu dan boleh keluar daripada negara ini dengan cepat dan dengan mudah.

Bagaimanapun, katanya dalam dekad yang lalu atau lebih, negara-negara perindustrian telah menarik 70 peratus daripada FDI.

Tetapi tahun lalu, China telah muncul sebagai destinasi penting bagi FDI, mengambil anggaran AS\$50 bilion (RM190 bilion).

Dengan itu, katanya ekonomi-ekonomi pasaran sedang muncul lain akan terpaksa melihat memperbaiki cara-cara untjuk menarik FDI.

Merujuk kepada perubahan mendadak aliran modal portfolio, katanya agensi-agensi antarabangsa sedang melihat cara-cara untuk menyekatnya dengan membekukan langkah seumpamanya.

Banyak kemajuan mengenai cadangan pembekuan itu telah dibuat, katanya.

Kepada soalan daripada hadirin mengenai bagaimana berkesan Perdana Menteri Datuk Seri Dr Mahathir Mohamad sebagai seorang ahli ekonomi, katanya beliau amat berjaya seperti dicerminkan oleh tahap pembangunan ekonomi di negara ini.

Kepujian yang banyak dalam tahap pendidikan yang meningkat, keterbukaan perdagangan dan pembangunan ekonomi yang sihat boleh dikaitkan kepada pentadbiran Mahathir, kata beliau. -- BERNAMA

SHY SHO/MR OS